



## Universitätsbibliothek Paderborn

**R. P. Lucae Pinelli Societatis Jesu Theologi, De  
Perfectione Religiosa, Et Obligatione, Qvam Qvisque  
Religiosus ad eam consequendam habet. Libri Quatvor**

**Pinelli, Luca**

**Mogvntiae, 1604**

II. De vtilitate, quam vota conciliant religiosis.

[urn:nbn:de:hbz:466:1-46699](#)

des, facilè victores euadunt. Verùm iij religiosi, qui hoc armorum g-nere non vtuntur, turpiter sàpè vincuntur. Non fiat miles, qui arma capescere non vult, non vadat ad prælium, qui pugnare non vult.

A G E dic nunc fili, quid mereantur iij religiosi, qui parui faciunt tam sanctam, tamque salutarem obligationem, & quid illi, qui eam non seruant, cum possint, & debent obseruare? Quæ pœna eos manet, qui eam non modo violant, sed etiam aspernantur? O quam strictam reddituri sunt rationem non solùm suarum transgressio-num, verùm & alienarum, hoc est, eorum qui peruerso exemplo ipsorum inducti fuerunt, vt votorum fædera semel cum Deo pacta, violarent. Nec enim promissio per vota hominibus facta est, sed diuinæ maiestati, non facta est inuitus, sed sponte & voluntariè. Nec obligatio illius est, de re exigua & temporali, sed de re magna ac spirituali, de salute, inquam, animæ æterna. Qui parui facit, quæ Deo semel promisit, vicissim parui fiet à Deo.

De Vtilitate quam vota conciliant religiosis.

## CAPYT II.

Domi-

**D**OMINE tantoperè grauata est natura nostra misericarum suarum pondere, ut haud sciam, an admodum fructuosum sit & salutare obstringere se Votis: neq; enim aliud esse hoc videtur, quam pondus addens ponderi, vnde non parum metuendum ne illa tandem, ut est imbecilla, sub onere concidat. Deinde tot obligationes vel vincula præceptorum, partim à te, partim ab Ecclesia tua nobis iniecta sunt, ut non facilè possimus iis facere satis, itaque non videris ut nouis votorum vinculis nos irretiamus. Nec utilitas tanta à te in nos redundare videtur votorum beneficio, quin maius se offerat periculum prævaricandi. Addo deinde Domine, tibi gratiora esse libera & voluntaria pietatis officia, quam coacta. Quisquis autem votum ediderit compellitur stare promissis & idcirco non video quanta sit Votorum utilitas,

FALLERIS fili, Vota enim onera sunt, quæ non grauant, sed potius alleuiant, ipsamque naturam iuuant ad præstantiora quæque opera exercenda. Et aliae auium onus quoddam habent, & tamen eas iuuant, ut in sublime ferantur, imò citra illas attolere se in altum non possunt. Adhæc experientia

rientia demonstrat, religiosos esse eos, qui  
diuinis mandatis promptissimè exactissi-  
meque obsequuntur: vndè apparet Vo-  
torum beneficio nos iuuari ad præce-  
pta D e i & Ecclesiæ perfectius obser-  
uanda.

T o r o quoque cælo erras, si censeas ex  
votis vtilitatem aliquam in me deriuari,  
non est ita, non mihi seruitur hîc neque me-  
titur. promissiones hominibus factæ , ce-  
dunt in vtilitatem eorum quibus sîunt, ac  
Votorum quæ Deo sîunt meritum cedit in  
vtilitatem voventis. Imò honor & gloria,  
quæ ex votis in me, cultumq; diuinum  
resultant, cedit quoque in bonum voen-  
tum. Ea enim copiosè remunero, si-  
cūt mala opera , quæ pietatem cul-  
sumq; diuinum dehonestant, seuerè ca-  
stigo.

Q uod deindè dicis votis eripi omnem  
libertatem, vt necessariò omnia religiosi  
agant, ac proindè nullum habeant operum  
suum meritum , falleris. Nam duplex  
est necessitas. altera profecta à natura, &  
hæc tollit omnem libertatem , meritum ,  
& omnium honorum operum laudem,  
cuiusmodi est descensus lapidis in terrâ. Al-  
tera profecta est à volûtate, vel à promissio-  
nem  
volun-

voluntariè facta, & hæc non solum non erit  
meritum boni operis, sed plurimum ad-  
auget, eò quod tam opus, quam promissio  
sit voluntari. & libera. Atque hæc est ne-  
cessitas tantopere laudata à beatis in cælo,  
quia eos ad præstantiora & perfectiora o-  
pera exrcenda impulit. Felix necessitas,  
quæ ad meliora compellit.

DE INDE scire te oportet fili, tristitiam  
& difficultatem, quam nonnunquam in  
promissione Voti exequenda sentimus, non  
tollere, nec imminuere in religiosis meri-  
tum, sed potius augere: nam in adimplen-  
do voto, non solum sit opus bonum, sed etiā  
tristitia illa & difficultas vincitur, quod  
certè non est parui meriti. Quanquam ex-  
plete opus bonum voto promissum, etiam  
si nulla interueniat difficultas, magis me-  
ritorum sit, quæm idem explere nullo ante-  
gresso voto, nam ut paulò post dicam, ipsum  
votum est alicuius meriti, quo merito desti-  
tuitur, qui præstat opus bonum, quod ante  
se factum nullo voto promisit.

IAM & aliæ sunt utilitates, quas vota af-  
ferunt religiosis. Primò enim indubitatum  
est, arborem, quò altius radices humi fixe-  
rit, hoc meliores producere fructus: sic vo-  
luntas humana, quò plus firmata fuerit in  
bono

bono hoc præstantiora opera producit. Inter effectus autem Votorum unus est, quod voluntatem in bono opere reddant firmorem. Nemo ignorat, quām voluntas humana varia sit & mutabilis. nunc vult, nunc non vult, quod hodiè placet, cras displacebit. Nec dubium melius fore, si voluntas in bono complectendo firma esset & stabilis. Hoc autem, ut stabilis sit & invariabilis beneficio Votorum efficitur. Nam simulatq; aliquis votum ediderit, præstare debet : & citra peccatum pedem referre non potest. Quod autem referre non possit, utile est & salutare, atque ex Voti natura profectum. Atque hinc sequitur opus bonum ex voluntate, in bono firmata ortum, esse præstantius aliis bonis operibus, & amplioris præmij meritorium : haud secus, quām opus prauum & noxiū à voluntate peruersa & obstinata profectum, detestabilius est cæteris malis operibus, & grauioris pœnæ meritorium. Vis phreneticum nihil mali committere? quamprimum eum vinculis astringe.

ALTERA utilitas superiore non inferior est hæc. Omnes homines haud grauatim confitentur, ut ilissimum homini esse, si Domino yniuersitatis huius sit intimè coniunctus, & deuinctus. At votis id efficitur, dum

H enim

enim homo per vota se mihi alligat, ego vi-  
cissim alligor & coniungor ipsi Itaque si re-  
ligiosi his sacris vinculis se alligant mihi, &  
fiunt mei, quomodo fieri potest, ut ego no-  
me quoque tradam ipsis ? ut non præsten-  
eis auxilium, non defendam, non conser-  
tanquam rem mihi carissimam ? Non ei-  
sem, qui sum, si creatura me liberalitate su-  
peraret. Quare conuenit, & quoniam mihi  
fontem gratiæ sibi arctissimè deuinixerunt,  
ego etiam assiduè illis communicem gratiæ  
meæ beneficium, donaq; cælestia : tantam  
que corum curâ geram, ne à dæmonie aliena  
creatura illis damnum aliquod inferri po-  
sit. Hoc vivit religiosus securior, quod De-  
minus cui coniunctus est, est potentior.

A C C E D I T & alia utilitas, quod bona  
pera omnia ex voto facta, plus apud Deum  
promereantur, quam quæ ex voto non sunt  
facta. Qui amore mei seruat castitatem, be-  
nè facit & meretur : sed qui amore mei vo-  
tum castitatis facit & seruat, melius facit, &  
plus meretur. Siquidem prior vnam tan-  
tum exercet virtutem, nempè continentiam :  
posterior verò binas, continentiam &  
religionem, quæ omnium virtutum morali-  
um est præstantissima. Præterea, promittere  
opus bonum, res bona est. Præstare autem

pro-

promissum etiam bonū est, & ideo propter  
vitrumq; homo laude & gratiarum actione  
dignus censerur. Carius ergo tibi sit, qui ti-  
bi plus boni spiritualis confert.

GVM ergo tot bona ex Votis in nos re-  
dundent, vt Voluntatis firmitas, coniunctio  
cum Deo, operum meritum, optarim nunc  
intelligere, cur nonnulli, cum maximè leta-  
ri deberent, doleant se votis illis obstrictos;  
quām causam lamentandi habeant? Nam  
si sacra hæc vincula magno aliquo com-  
modo eos priuarent, mœrendi causam ha-  
berent, sed nullo priuant. Immò quemad-  
modū vīcis alligata arbori, vel palo, ac  
proindē iniuriæ ventorum minus exposita,  
vberiorem melioremque profert fructum,  
quām si soluta sit, sic religiosi horum vincu-  
lorum beneficio firmiores sunt, & à tenta-  
tionibus liberiores, maioremq; proferunt  
bonorum operum fructum, cur ergo finant  
animū mœrōre deiici? Necesse est, vt malū  
ei placeat, qui de bono contristatur, vel cō-  
queritur. Quando bonus cibus est alicui  
noxius, signū est stomachum prauis humo-  
ribus infectum; quare antidoto aliquo ex-  
purgandus erit, si velit euadere periculū vi-  
tæ: sic si emissio votorum, quæ bona est &  
sancta, alicui religioso sit molesta, signū est,

H 2 men-

mentem eius prava aliqua dispositione infectam, quæ à medico spirituali tollenda est, ut vitæ spiritualis periculum euadatur.

*Quam grata & accepta sint Deo tria religiosorum vota.*

### CAPUT III

**F**ILI, quomodo non possunt non esse mihi grata & iucunda religiosorum vota, cum illa edantur in meum honorem & gloriam? qua ratione mihi cara non sint, cum sint media ad consequendam perfectionem, quam tantoperè ab iis exposco, efficacia? O quantum terrenus aliquis Dominus gloriaretur, si famuli sui aliquam ex huiusmodi promissionibus sibi facerent, sine dubio totus exultaret, etiam si certò non constaret, an serio & ex corde, an ex amore Domini sui, an proprij commodi causa id fecissent. Et ego, cum certissimè sciam religiosos ex toto pectore vota illa edere, & amore mei tantum obstringere se ad praestanda bona opera & sancta, non exultabo: non declarabo, quantoperè mihi placeant?

**T**RIA siquidem mihi in votis maiorem in modum placent. Primum deuotio, qua vota fiunt. Secundò diligentia, qua obser-

uaz-